

Er u Lu ken Bem Vea Anmgbianev Ou Yô

“Waan nen ishima a ayol a en, deen nen ayol a en kwaghbo aluer kwagh á nzughul orgen a orgen yô.”—Mbakolose 3:13.

U we fan u sôron ayôôso la ka kwagh u lun a inja kpen kpen, man ka hen tsombor je u hii henen u eren kwagh ne ye. Mbampin mba ve dondo ne vea wase u u fan zayol u a lu hen atô wou vea anmgbian wou la, shi tôvon nengen er i hii ve zayol shon a dugh la, man u sôron zayol shon.



FA ZAYOL SHON

Ka anmgbian wou u han ka i taver we u eren kwagh a nana?


Ka nyi kwagh ka i hembra van a zayol hen atô wou vea anmgbian wou shono?

Zayol shon ka a hii nena?

Anmgbian wam ka a . . . (pase kwagh u ka a er yô)

kwagh ne ka a na yô m . . . (pase kwagh u ka u er yô)

maa i hingir u . . . (pase kwagh u ka a due ker yô)



TÔV SHA ZAYOL SHON

BIBILO KAA ÉR:
“Or nana de kera waan akaa a nan iyol i nan ikyo tseegh ga, kpa nana wa akaa a mbagenev ikyo kpa.” (Mbafilipi 2:4) Lu a ivur Bibilo ne ken ishima, nahan nôngo u nengen er aluer ka we ve a lu u ken ishima yô.

Ka nyi nahan alaghga anmgbian wou shen a lu henen ken ishima shighe u zayol shon a hii laa?

Aluer ka u anmgbian wou la una pase mnenge na sha kwagh u a ze iyol la nahan, ka nyi una ôr sha kwagh **wou** we?

Ka nyi i dedoo u nenge a mi ken kwagh u anmgbian wou a ôr laa?

SÔR ZAYOL SHON



U fatyô u lamem vea na sha u keren bem shin eren kwagh u a soo laa? Aluer ka nahan yô, ka nyi u nenge wer u ere?

Ka nyi igen kposo u nenge wer kwagen u er sha er ma zayol u hen atô wen una hingir ayôôso a vesen ga?



Ken akaawan a Bibilo a i nger shin heen ne cii, ka a han u soo u dondon kwagen u u nyer ken imba zayol nee?

- “Doo nen ayol a en ken ishima tsung je.”—1 Peteru 1:22.
- “lor cii vę fa ishimawan yen doo doo.”—Mbafilepi 4:5.
- “De nyoon ishima fefa ga, gadia ishima i nyoon tema ken vanger u abumeaior.”—Orpasenkwagh 7:9.
- “Mhii u num yô, ngu er ka a na mngerem ian ma a ande yô, nahan yô, de anyimanakaa, je er a lu a hingir num ga la.”
—Anzaakaa 17:14.
- “Ikyon ia lu ga yô, usu ua pir, henpe orangeregh nan lu ga yô, num kpaa ka u mem.”—Anzaakaa 26:20.
- “Inja na nan man u nengen anivurkon u a lu anmgbian wou ken ishe, kpa gungurkon u u lu ken ishe you yô, u we u ikyo ga?”
—Mateu 7:3.

U masen yô, nger kwagh u u nenge a mi ken anmgbian wou u doon we la.

AKAAWAN A BIBILO

KA NYI UERE?

BIBILO KAA ÉR:

“Orgen ka nan gba ôron kwagh gagh er mkuma u sanker yô, kpa nombor u orfan-kwagh yô, ngu ne mkpeyol.”—Anzaakaa 12:18.

“Shighe u terem lu sha iyouci shighe gôgônán la, i taver mo u za nengen a na sha ci u m fa mato u nahan ga. Yange m kaa a anmgbian wam u nomso mer m soo u zuan a laasen u nahan mato, nahan a tesem mato, kpa kaa ér un ngu a shighe ga. Shin er m pase un ityôkyaa nahan cii kpa, ungwam ato, shi kwagh gba un sha mi kpa ga. Nahan m vihi ishima a anmgbian wam, m kaa a na mer gba un u m za nenge a terem ga, shi a ker u fan er i lun ken ishima cuku kpa ga. Kwagh ne na ishima vihi un ker a mo kpishi. Se cii se gba zôhôn kaan ayol a ase akaa, er orgen nan soon u wasen orgen ga yô.”—Mkaanem ma Karina, gumkwase ugen.

Aluer ka we u lu Karina nahan, ka nyi yange ma u er sha u been a zayol laa?

KWAGH U KARINA YANGE ER YÔ: “Mo man anmgbian wam se lam kpernan pepe, hanma or ôr ishima i nan. Yange nam anyi a yan er un vihi ishima a mo yô, shi pasem akaa kpishi a a ne un lu fanyô u memen ga yô. Yange m fatyô u fan mer ngu a akaaeren kpishi nahan ga. M kaven er i lu un ken ishima la yô, mo kpa m na un anyi a yan sha tom u m lu seer un la. M nenge mer awashima wam la yange lu u injaa, kpa m gema m due a kwagh ne sha shighe ga.”

